

Broj: 10-14-7-611/17  
Sarajevo, 23.01.2017. godine

**ORGANIZACIJAMA U JAVNOM SEKTORU U FEDERACIJI BOSNE I HERCEGOVINE  
KOJE SU U OBAVEZI USPOSTAVITI INTERNU REVIZIJU**

**PREDMET : Godišnji izvještaj interne revizije za 2016. godinu, traži se**

U skladu sa članom 18. Zakona o internoj reviziji u javnom sektoru u Federaciji Bosne i Hercegovine („Službene novine Federacije BiH“ br. 47/08 i 101/16, u daljem tekstu: Zakon o internoj reviziji), rukovodilac jedinice za internu reviziju (odnosno interni revizor, ukoliko rukovodilac nije imenovan, ili jedinica nije uspostavljena) obavezan je izraditi godišnji izvještaj interne revizije koji sadrži podatke iz revizorskih izvještaja i informacije o ostalim aktivnostima koje su završene ili su u toku na dan 31. decembra prethodne godine i isti dostaviti u roku od 60 dana po završetka godine rukovodiocu organizacije i Centralnoj harmonizacijskoj jedinici (u daljem tekstu: CHJ).

Godišnji izvještaj interne revizije obavezno sadrži informacije o realizovanim aktivnostima interne revizije predviđenim godišnjim planom interne revizije, pregled osnovnih zaključaka iz svih internih revizija izvršenih u toku godine, opće ocjene sistema finansijskog upravljanja i kontrole, kao i analize svih slučajeva koji su uključivali kršenje propisa, te slučajeve koji su u toku godine prosljeđeni nadležnom tužilaštvu.

Na osnovu dostavljenih godišnjih izvještaja, a u skladu sa članom 7. Zakona o internoj reviziji, CHJ je obavezna izraditi Godišnji konsolidirani izvještaj interne revizije i dostaviti ga federalnom ministru finansija-financija do 30. aprila/travnja tekuće godine za prethodnu godinu, koji će navedeni izvještaj dostaviti Vladi Federacije Bosne i Hercegovine na razmatranje i usvajanje.

Godišnji izvještaj o radu interne revizije obavezni ste popuniti na propisanom obrascu Godišnji izvještaj interne revizije - Prilog br. 21 Metodologije rada interne revizije u javnom sektoru u Federaciji Bosne i Hercegovine („Službene novine Federacije BiH“ br. 13/12, 93/13 i 93/15), koji možete preuzeti u elektronskoj verziji na web stranici Federalnog ministarstva finansija-financija [www.fmf.gov.ba](http://www.fmf.gov.ba) (Obrazac GI-IR).

Molimo Vas da popunjeni i potpisani obrazac GI-IR za 2016. godinu dostavite **najkasnije do 28.02.2017. godine** poštom na adresu: Federalno ministarstvo finansija-financija, Centralna harmonizacijska jedinica, ul. Mehmeda Spahe broj 5, 71 000 Sarajevo, kao i na e-mail: [fatima.obhodjas@fmf.gov.ba](mailto:fatima.obhodjas@fmf.gov.ba).

